



11. februar 2020., Banja Luka

CAPITAL.ba
Grčka br. 14.
78 000 Banja Luka
n/r glavnog urednika

Poštovani,

U skladu sa aktom koji sam Vam uputio 03.02.2020., molim Vas da postupite shodno čl. 5. stav 4) Kodeksa za štampu i online medije BiH i ispravite netačne navode u članku „Inspektori EU ispituju milionsku prevaru sa biodizelom iz Srpcā“ objavljenom dana 31.12.2019. godine. Naime, kao što sam već istakao, u navedenom članku naveli ste niz netačnih, paušalnih i neargumentovanih navoda, a što je kod čitalačke publike BiH stvorilo utisak da se pravno lice „Sistem Ecologica“ d.o.o. Srbac, bavilo nezakonitim radnjama, slijedom čega je navodno oštećen budžet EU za više od 90 miliona eura.

Imajući u vidu činjenicu da su izneseni navodi ne samo netačni, već i zlonamjerni, u cilju pravilnog informisanja javnosti, kao i radi zaštite dostojanstva novinarske profesije, molim da objavite sljedeće:

U vrijeme posjete istražitelja OLAF-a Upravi za indirektno oporezivanje BiH, navedeno pravno lice je posjedovalo odobrenja za korištenje carinskog postupka sa ekonomskim učinkom - unutrašnja obrada izdatim od strane Uprave za indirektno oporezivanje - Regionalnog centra Banja Luka sa rokom važenja do 15.12.2019., a za uvoz repromaterijala – korištenog rafinisanog ulja iz SAD-a za proizvodnju biodizela u BiH kao osnovnog proizvoda i glicerina, kao sekundarnog proizvoda. Radi pojašnjenja, želim da istaknem da je unutrašnja obrada uobičajen carinski postupak sa ekonomskim učinkom u svim zemljama svijeta, koji se odobrava svakom pravnom licu u BiH, a koje ispunjava zakonske uslove propisane odredbama Zakona o carinskoj politici BiH, (Službeni glasnik BiH 57/04, 51/06, 93/08, 54/10, 76/11), Odluke o provedbenim propisima Zakona o carinskoj politici BiH (Službeni glasnik BiH 63a/04, 60/06, 57/08), te Uputstvom o carinskom postupku unutrašnje obrade (Službeni glasnik BiH 90/06).

U skladu sa izdatim odobrenjima u proizvodnim pogonima preduzeća, obavljao se proizvodni proces transformacije uvezenog repromaterijala – korištenog rafinisanog ulja, radi razdvajanja metilestera od glicerina, pranje, sušenje i filtriranje do čistog proizvoda, a radi dobijanja biodizela – FAME. Repromaterijal je nabavljan od dobavljača „WASTE OIL TRADE LLC“ USA, a proizvedeni biodizel je prodavan kupcima u EU, između ostalih „Biodizel Kampen B.V.“ Holandija, „Valiant“ d.o.o. Slovenija, „NORD ESTER“ Francuska.....

Pored navedenog odobrenja za unutrašnju obradu, predmetno pravno lice je posjedovalo i odobrenje za status ovlaštenog izvoznika broj 03/I-18-3-Up/I-13/12 od

06.06.2012. izdatog od strane Sektora za carine Uprave za indirektno oporezivanje, kao i Potvrdu Vanjskotrgovinske komore BiH da se roba trgovačkog naziva „korišteno rafinisano ulje“ ne može nabaviti na tržištu Bosne i Hercegovine u količinama i kvalitetu potrebnim za proizvodnju biodizela, te potvrdu izdatu od strane Ministarstva spoljne trgovine i ekonomskih odnosa BiH o vlastitoj proizvodnji broj 07-2-20-4852-1718 od 27.12.2018. Osim gore navedenog, „Sistem Ecologica“ d.o.o. Srbac posjeduje i certifikate za proizvodnju biodizela izdate od strane nadležnih organa Italije, Njemačke, Poljske..., a koji certifikati su u skladu sa Direktivom 2009/28/EC Evropskog Parlamenta i Vijeća Evrope, uz posebnu napomenu da je izdavanje istih podložno rigoroznim kontrolama od strane izdavaoca.

Uzorkovanje uvezenog repromaterijala – korištenog rafinisanog ulja je obavljano, po metodi slučajnog uzorka u 2016., 2017., 2018., 2019. godine, kako od strane carinskih organa Republike Hrvatske, /s obzirom da je roba dolazila u luku Rijeka u fleksibilnim tankovima u kontejnerima/ tako i od strane nadležnih organizacionih jedinica Uprave za indirektno oporezivanje BiH, i nikada, ponavljam, apsolutno nikada, nisu utvrđene bilo kakve nepravilnosti.

Za vremenski period od 01.12.2016 – 28.11.2019. u BiH je uvezeno nekoliko hiljada fleksibilnih tankova u kontejnerima rafinisanog ulja, da bi u julu mjesecu 2019. godine, carinski organi Republike Hrvatske, prilikom dolaska rafinisanog ulja u luku Rijeka od oko 90 kontejnera, dana 12.08.2019. ustanovili da se u tri kontejnera nalazi biodizel, umjesto deklarisanog rafinisanog ulja, o čemu je obavještena moja stranka. Odmah po ovom saznanju, ovlaštene osobe „Sistem Ecologica“ d.o.o. Srbac obavještavaju UIO – Regionalni centar Banja Luka i podnose zahtjev za modifikacijom tri deklaracije broj 19BA09401300126712 od 22.07.2019, 19BA0940130013131519 od 29.07.2019 i 19BA09401300132711 od 29.07.2019, tj. samoinicijativno od Uprave za indirektno oporezivanje BiH, zahtjevaju u skladu sa čl. 75. Zakona o carinskoj politici BiH da im izvrši obračun i naknadna naplata indirektnih poreza u iznosu od 73.847,80 KM. Nažalost, pojedini službenici Uprave za indirektno oporezivanje (Grupe za istrage, Grupe za carinske postupke Regionalnog centra Banja Luka - B.B. A.O. L.J.Ž. J.M. Đ.M.) nisu prepoznali poštene namjere uvoznika, te su van svakog razumnog razloga počeli da vrše pritisak na rukovodstvo pravnog lica „Sistem Ecologica“ d.o.o. iz njima samo znanih razloga, stvarajući izmišljene konstrukcije, a medijima plasirajući lažne informacije.

U međuvremenu predstavnici OLAF-a su dana 04.12.2019. uz saglasnost vlasnika „Sistem Ecologica“ d.o.o. posjetili sjedište firme i proizvodne kapacitete, te se uvjerali da se u istim proizvodima biodizel, uz posebnu napomenu da OLAF nema apsolutno nikakve nadležnosti na području BiH.

Imajući u vidu gore navedeno, nesporno je da je uvezeni repromaterijal iz USA – korišteno rafinisano ulje u skladu sa zakonskim propisima BiH upotrebjeno za proizvodnju biodizela, koje je izvezeno u zemlje EU, a navodi da je budžet EU oštećen za iznos od 90 miliona EUR-a, kao i sve ostalo izneseno, je u sferi naučne fantastike.

Na kraju želim da posebno istaknem, da je suština podnesenog demanta u želji da se javnost upozna sa istinom, a da je nakon medijske hajke koja je nastala nakon spornog teksta, pravnom licu „Sistem Ecologica“ d.o.o. Srbac nanesena velika materijalna šteta, koja se prije svega ogleda u činjenici da odobrenje za nastavak unutrašnje obrade od strane UIO BiH – Regionalnog centra Banja Luka nije produžen, 25 radnika ne radi (mada im se isplaćuje plata), budžet BiH/RS je uskraćen za naplatu indirektnih/direktnih poreza, pa se postavlja objektivno pitanje šta je bila svrha Vašeg članka.

Molim Vas da u slučaju bilo kakavih nejasnoća/nedoumica kontaktirate advokatsku kancelariju, koja će Vam izaći u susret i dostaviti sve potrebne informacije, te neophodnu dokumentaciju.

Lijep pozdrav



Pravni zastupnik